

那文毅公奏議

那文毅公總統河南山東直隸軍務奏議卷三十五目錄

卷三十五

籌定善後

附分籌凱撤
觀

籌抵軍需

凱旋入

那文毅公總統河南山東直隸軍務奏議卷三十五

男
容安恭輯

籌定善後

附分籌凱撤
觀

籌抵軍需

凱旋人

嘉慶十八年十二月十五日會同協辦大學士托

公津

奏爲遵

旨籌議善後事宜事竊

臣

托津奉

旨前赴滑縣軍營與

臣

那彥成會商善後事宜仰見我

皇上聖謀廣運

睿慮周詳務期長治久安至意

臣

托津當由開州起程於

十三日行抵滑縣時滑城先於初十日攻克而晤
那彥成卽將應議事宜會同悉心籌酌查現在圍
城以下大股賊匪業已悉數剿除並殲擒著名各
賊首不留餘孽從此風謠盡息邪慝潛消人心便
可大定至豫省之滑縣濬縣及被賊竄擾之各縣
村莊如何撫卹難民之處應由撫臣方受疇督屬
辦理其直隸之長垣東明開州山東之曹縣定陶
等州縣亦由該督撫一體查辦外至嚴禁邪說遏
絕亂萌臣等伏讀屢奉

諭旨總以正本清源爲要務

聖訓煌煌惟在地方官實力奉行自可靖人心而消奸宄
惟於直隸河南山東三省察看大局情形地方營
務有必須斟酌權宜量加損益者謹擬數條恭呈
聖鑒

一直隸省會向在正定地方嗣因距京城較遠復
移保定查正定西界山西南界大名順德廣平
毗連河北最爲扼要之地該處僅設總兵不足
以崇體制應請將正定鎮總兵改爲提督就近
節制宣化天津及現擬另改大名之三鎮其大
名地方亦關緊要稽查宜嚴應請將大名協副

將一缺卽移正定鎮總兵改爲大名鎮總兵所
有正定提督於原設鎮標三營之外尙應添設
營分大名鎮亦須添設應如何與別營官兵內
裁減抽撥之處臣那彥成另再查明核議其正
定提督一缺大名鎮總兵一缺必得熟悉軍務
平日整頓營伍認真可靠者方可得力容臣那
彥成於現在軍營出力人員內開列數人以備
簡用

一直隸督標及提鎮協標營額設官兵約共三萬
八千六百餘名似可毋庸增添惟河南山東二

省向因腹地設兵無多查河南撫標及鎮協各營共止設兵一萬三千八百八十餘名山東兵數移查未覆大約與河南相等或遇地方有事實屬不敷調派今請

勅下河南山東撫臣查明地方營分均關緊要者酌添官兵若干名無關緊要者酌減若干名除以減抵增外尙須酌添若干或於就近江南等省均勻抽撥請

旨飭交兵部統計議奏兵額既足平時則實力操防益壯聲威遇事則就近調撥無藉客兵實爲兩省至

要之計

一此次被賊滋擾之直隸開州東明長垣及河南滑縣濬縣等處現在已將潛匿匪徒嚴加搜捕百姓避難歸來漸安生業查該州縣界在三省應多增營汛弁兵方足以資彈壓臣等擬於開州移駐遊擊一員添兵若干名東明移駐都司一員長垣移駐守備一員滑縣移駐叅將一員添兵若干名濬縣移駐守備一員添兵若干名其應於何處營汛裁撤歸併現在移查直隸河南等省容再酌籌具奏

一吉林黑龍江官兵馬隊最爲驍勇鎗箭無虛此
次剿捕賊匪更爲得力惟該二處距京較遠征
調不易誠如前奉

聖諭

臣

等愚昧之見應請將吉林黑龍江二處官兵共調
撥一千名駐京操防按三年一班輪流調換既
可協同八旗官兵衛護京城遇有征調亦可迅
速前往至吉林黑龍江官兵原有本身俸餉既
經調駐京營似應量爲增給以示體卹其三年
輪班往返行裝等項亦應籌畫查京城健銳火
器營兵拴馬三千一百匹未免過多應請將此

項馬匹量爲核減其馬乾等項即可撥備前項官兵增給俸餉及行裝之用至前項官兵到京時應撥何處駐劄及俸餉馬乾應如何估支之處應請一併

勅交兩翼八旗及戶兵二部查議辦理

一各直省編查保甲屢奉

諭旨並頒發葉佩蓀簡明章程地方官均當實力遵行此次教匪滋擾之區毗連三省現在軍務告嚴各路嚴行搜捕自可盡絕根株但念經誦咒及學習拳棒之風沾染已深恐一時未能盡息尤應

嚴爲防範以免邪慝復萌臣等查編查保甲與
搜捕賊匪名雖兩事實則一端今應於被賊滋
擾及近賊之處責成該管道府督率州縣委員
一面編查戶口卽一面稽查匪徒如有勦敗竄
匪及伏匿未發者曉諭各莊衿耆鄉約人等自
行舉出或網縛獻官給以重賞窩留匪徒者一
併嚴辦自此次編查之後若再有滋事匪徒卽
將地方官加等治罪其民間藏有不法經卷及
旗幟器械等項概令繳出銷燬藏匿者仍以悖
逆論其委員書役人等不得藉下鄉編查爲名

需索門牌戶口冊費以妄拏無辜均予重懲再
此次教匪滋事固由於傳習邪說煽惑愚民而
其中多係學習拳棒如馮克善宋躍瀝唐彭子
之類不一而足好勇鬪狠不止犯上作亂河北
山東一帶風氣剛勁習俗尤易移人並請

勅下直隸河南山東三省督撫嚴飭地方官將民間教習
拳棒亦一概嚴行查禁

一鄉勇名目本奉

諭旨飭禁惟事起倉猝或防堵地方過多不能不暫爲團
練以助兵力此次軍營鄉勇均非無業游民現

殊

已事竣不難遣散歸農惟所執刀矛鎗箭一切器械有官爲散給者有自行製備者此時若一概令其入官辦理似未平允若令其銷燬又恐私自收存稽查又滋擾累請將鄉勇自製一切器械按名收繳給與價值造冊報明各直省督撫仍分貯州縣庫內以備應用

一直隸爲

畿輔重地營伍操防更關緊要查現在直省帶兵

將備中

臣

那彥成留心察看未甚得力將領不

得其人則訓練官兵旣不足以資整飭遇有搜

捕事件亦難向遠省調用臣愚昧之見應請就

現在軍營之陝甘將備擇其得力者酌挑十數

疎

此是奏到時所降之制旨

員與直省將備分別對調庶期直省營務口有

起色此係斟酌變通並非定例惟臣受

恩深重爲整頓營伍起見不敢稍分畛域如蒙

俞允另容將陝甘將備名單開呈

御覽

以上各條臣等會同商酌實係目前應辦事宜

卽爲善後至要之計謹就管窺所及恭摺覆

奏是否可行伏乞

皇上睿鑒訓示謹

奏奉

硃批大學士軍機大臣會同該部議奏

嘉慶十八年十二月十八日軍機大臣字寄奉

上諭本年直隸順德廣平大名三府地方年歲歉收節經加恩撫卹現在軍務已竣安撫災民最爲緊要此等乏食窮黎係朕善長赤子若不妥爲緩輯小民凍餒所迫或再聚衆掠食擾害村莊其意祇圖一飽苟延旦夕初無謀逆之心與賊匪之蓄謀勾煽者迥不相同但一經滋事或聞拏抗拒勢不得不用兵剿捕民爲邦本朕體

天地好生之心實有所不忍藩司素納現在大名府城該督務就近督飭素納認真經理或設廠煮賑以資餬口其轉徙道路者或揀派誠實之員酌帶銀米俾資接濟良民苟不至救死不遑必不肯冒法作亂能使民情大定則兵燹之餘更可保無他患該督盡心督率妥辦毋忽至溫承惠在直隸總督任內於逆匪林清滋事未能覺察其所屬東明長垣地方亦多逆匪厥罪甚重本應革職遣戍經朕格外施恩賞給五品職銜派令軍營効力事竣來京仍以司員補用該員久任封圻係屬優厚現在直隸地方有賑撫事宜著那彥成卽傳諭該員

惠令其激發天良量力捐輸或五六萬兩或一二萬兩
奏明措交藩司素納收貯以備賑卹之用

嘉慶十八年十二月二十四日

奏爲據情代奏事據溫承惠呈稱竊溫承惠在直隸總
督任內於林清謀逆滋事毫無覺察負罪實深仰
蒙

皇上逾格

天恩不加重譴且荷

賞給五品職銜私衷感悚寢食難安現在軍務告竣因思
直隸等處尙須籌辦撫卹需用不貲溫承惠久任

總督養廉優厚情願呈捐兩年養廉銀三萬兩以
備賑卹之用現在先措銀一萬兩解交直隸藩庫
其餘趕緊措交以冀稍贖前愆勉圖報効於萬一
等情理合據情代奏謹

奏

謹按嘉慶十八年十二月二十七日廷寄內奉
上諭那彥成另摺奏溫承惠懇繳養廉銀三萬兩著卽令
其陸續措交直隸藩庫以備撫卹之用

嘉慶十八年十二月二十一日會同叅贊大臣楊
公遇春河南巡撫方公受疇

奏爲會籌善後事宜恭摺奏

聞仰祈

聖訓事竊照滑城克復經托津與臣那彥成彙核三省情

形酌議各條奏請

訓示所有豫省軍務告竣之後一切應行事宜臣現復與方受疇會同悉心籌畫縷晰陳明伏候

聖裁

一滑縣地方幅員遼濶愚民習教者多地鄰開州長垣風俗素稱强悍現當逆匪蕩平之後撫綏化導治理尤難非初任人員所能整頓應請改

爲繁缺以符名實惟簡缺調繁例應於通省繁缺內查明改簡抵換但豫省繁缺各州縣地方均極緊要同知通判僅有調繁三缺俱係要地均難改簡事關新復縣治非尋常改移可比請將該縣增改繁缺毋庸查缺抵改以免顧此失彼

一各處僱募鄉勇原係守城防河而設今軍務告竣應飭各州縣著令原保之人保回安業造具花名冊籍送查倘有不法滋事從重拏究並將原保人治罪其所用器械無論刀矛鳥鎗均不

得留存民間其係官爲製給者應於裁撤時照數收同其係該鄉勇自製之件應酌給價值並行收繳如有藏匿者查出重究此條業經刊布與_臣那彥成會奏在案今滑濬二縣鄉勇器械已由_臣那彥成就近查繳其餘各州縣應由方受疇查照辦理

一鐵匠舖戶只許打造農具及民用菜刀鐵剪至打造鎗刀例禁森嚴第不明定章程仍恐牟利私造嗣後各鐵舖鐵匠應互保報官方准開設充當其所造民用刀剪一體鑿鑒店號倘有棍

徒執持凶器案犯到官究明何人打造按律問擬

一滑縣自逆匪滋事以迄蕩平已閱三月小民被賊蹂躪室廬資用悉遭焚掠濬縣逼近賊氛被賊村莊甚多前經奏准

賞給兩月口糧現又飭令地方官查明另行奏請給賑第現在甫經底定田業荒蕪情形實爲困殆所有歷年積欠及本年錢糧應請

恩施豁免十九年錢糧並請緩至秋後啟徵俾紓民力其封邱陽武延津考城蘭陽新鄉獲嘉輝縣林縣

等處查明被賊村莊並懇將歷年舊欠錢糧豁免本年錢糧緩至來年麥後啟徵

一首逆牛亮臣等及其餘匪犯所遺田地房屋應卽派委明幹公正之員會同各地方官查明實係叛產按戶清查照例辦理不得隱匿牽連致干察叅

一滑縣現已議設叅將潞縣議設守備因時制宜地方足資控馭惟道口一鎮相距縣城雖只十里但係米糧屯積商賈輻輳之所現當安復之初似應專員分駐以昭周密擬於該處設立縣

承一員把總一員稽查彈壓縣丞由藩司查缺
移改把總由新設叅將所管派撥文武各有專
員匪徒可免匿跡

一逆匪滋事之初地方文武被賊戕害如滑縣知
縣強克捷老安鎮巡檢劉斌均已仰蒙

恩卹其餘在事文武員弁或因守拒被戕或臨陣捐軀及
効力人員遇賊被害均係歿於

王事應請與陣亡兵丁一體查明分別

卹賞以勵

臣

節而慰忠魂其城鄉士民以及婦女人等守

節殉身情堪嘉憫應俟查明造冊咨部彙題

旌表俾昭義烈

以上各條均係現在急需辦理之事其餘未盡
事宜容再隨時查明具奏謹

奏

嘉慶十八年十二月二十五日奉

上諭那彥成等奏請將滑縣知縣改爲繁缺道口鎮添設
縣丞把總等語滑縣地方甫經賊匪蹂躪一切撫綏安
集亟資整頓道口鎮向爲商賈輻輳之區亦應專員分
駐以資稽查彈壓著照所請將滑縣知縣卽改爲繁缺
毋庸於通省查缺抵換道口鎮添設縣丞把總各一員

縣丞出該省查缺移改把總卽於新設滑縣參將屬派撥分駐該部知道

嘉慶十八年十二月二十五日奉

上諭那彥成等奏查明滑濬二縣被賊滋擾及附近各縣村莊懇恩分別豁免緩徵等語豫省滑縣地方甫經賊匪蹂躪小民室廬資用悉遭焚掠濬縣逼近賊氛被賊村莊甚多其封邱等縣均有被賊滋擾之處該民人等蕩析離居深堪軫卹著加恩將滑縣濬縣歷年積欠及本年錢糧概行豁免十九年錢糧緩至秋後改徵其封邱陽武延津考城蘭陽新鄉獲嘉輝縣林縣等縣查明

被賊村莊將歷年舊欠錢糧悉予豁免本年錢糧緩至來年麥後啟徵以紓民力該部卽遵諭行

嘉慶十八年十二月二十五日軍機大臣字寄奉

上諭那彥成等奏會籌善後事宜一摺滑縣等處被賊蹂躪民氣未復自應加恩蠲緩此外如將滑縣改竅及於道口增設官弁之處均係因時制宜已明降諭旨准行外其禁止舖戶私造刀鎗嚴定章程亦應照所奏辦理又叛產一條前經降旨飭查方受疇應卽派委廉明公正之員及時經理毋致牽連隱匿又所稱死事文武員弁投効人等以及城鄉各處士民婦女猝遭戕害殉節

捐軀以堪憫惻自應分別卹賞旌表著於查明後彙冊具題以嘉義烈至請令鄉勇安業收繳器械一條僱募鄉勇本非正辦此時自應卽速散遣毋令日久聚集致滋事端其各州縣收繳器械之處尤有關係著卽妥爲經理務須淨盡不得草率再吉林黑龍江官兵此次打仗聞間有受傷者應先令凱旋以示體卹著派蘇清阿卽將此項受傷官兵及稍覺疲乏者先行管帶起程到京歇息數日後再令其各回原處

嘉慶十八年十二月二十一日會同叅贊大臣楊公遇春河南巡撫方公受疇

奏爲恭懇

聖恩事竊照此次滑縣逆匪滋事各處僱募鄉勇及修城挑濠前經

奏奉部議以士民等情殷桑梓練習技藝以衛村莊聽其自便若支給口糧製備號衣器械悉由官爲辦理人數衆多聚散無時亦復無所稽考應毋庸議至各處城垣飭令各州縣趕緊捐修其護城濠自應隨時飭屬挑挖現在間有沙淤應令自行籌辦亦毋庸議等因具奏奉

旨依議欽此咨行前來自應遵照辦理惟是此次匪徒謀

卷一百一十五
四十二
一四
這於三省交界地方猝然滋事先調豫省各營官
兵旋蒙

簡派各省勁旅會同進剿而近賊州縣城多地廣護守城
池及南北兩岸河口防堵並軍營守護糧臺幫同
攻剿不能不募勇分駐內如滑縣之牛屯新鎮
及商邱之劉家口等處並大小村莊俱經紳民自
行團練原不在官爲經理之內至省城重地並沿
河近賊州縣當賊氛肆擾官兵俱已調派出征城
無備禦岸之巡防苟非募勇堵守以壯聲勢恐民
心驚惶地方亦屬可慮且所募之人俱係本地土

著兼有的保方准充當何日入隊派守何處何日
裁撤悉令隨時具報造冊備查不致漫無稽考該
鄉勇等守城防口均係赴調出村斷不能令其自
備口食晝夜勞苦卽如滑縣知縣孟祀瞻所帶鄉
勇屢經剿捕賊匪嗣復派令圍城衝鋒冒鎗殲獲
甚多實與兵丁無異當此歉歲勢難使其枵腹從
事合無仰懇

皇上天恩俯准每名每日給發口糧銀一錢以示體卹至
省會及近賊州縣城垣有關保障稍有殘缺已飭
該地方官自行捐修其城身敝裂柴口坍塌過甚

百需費孔多而各處濠池皆因風颶沙積淤成平地若不挑挖寬深難資守衛前值圍攻喫緊之時誠恐賊衆潰圍竄擾經臣那彥成飭令河南糧鹽道張翱親往彰衛懷等處查勘確估督令趕辦完竣當經委員逐一驗收實係如式修挑所需工料夫價若令地方官自辦力有不能應請仍照軍需例案修城工料准其動項挑濠土方夫價循照舊案於地糧內攤徵以免賠累不揣冒昧謹合詞恭摺具

奏

謹按嘉慶十八年十二月二十五日廷寄內奉
上諭那彥成等另摺奏請給發鄉勇口糧之處此則斷不
可行前已屢次降旨不許僱募鄉勇伊等私行僱募本
有不合念其一時權宜不加深責此時伊等何得再以
例外口糧濫請支給斷不能准所有此項口糧著該省
巡撫司道等捐廉通融辦理將來報銷時不得灑銷滋
弊其所奏近賊州縣修浚城濠一事據稱除挑濠土方
夫價循照舊案於地糧內攤徵外其修城工料請照軍
需例案動項等語修城工料不應歸入軍需著令照例
報部應准應駁再行核辦

嘉慶十八年十二月二十九日

奏爲奏

聞事竊_臣督率官兵於本月初十日攻克滑城賊匪逃匿
民房悉力抵拒維時值日暮因將馬隊官兵撤回
暫息仍派令步兵堵住各門其地雷轟破之西南
角牆缺處所並令鎮將嚴密圍堵以防竄逸是夜
三更_臣等正在督兵防守詎城內突有賊匪多人
逕撲牆缺處所齊聲吶喊蜂擁而來經官兵奮勇
截殺賊匪拚命突圍甚屬凶悍時正月黑官兵施
放鎗箭未能真切適城旁有一廟宇忽然自行起

火照見賊匪約有二三千人官兵如在白晝之中
直前冲殺城內官兵亦趕出兩路夾擊斃賊約有
一千餘人始將餘匪截回城內臣等撥派官兵旋
卽入城上緊焚勦三晝夜始得悉數殲斃並無一
名漏網事定後詢之居民乃知城旁之廟後爲三
教佛前殿卽塑

關帝神像廟雖焚燬

神像巋然獨存毫無損動是皆仰仗

皇上福威神靈翊衛自應重行修建用答

神庥

臣現飭藩司白斐音鳩工興造落成之日由方受

鳴奏請

御書匾額敬謹懸掛以昭靈佑而儆奸頑伏祈

睿鑒謹

奏奉

硃批覽奏實深欽感京中九月十五日夜賊人見

關帝端坐午門上遂相率投誠自盡仰蒙

垂佑曷勝虔悚有旨諭部

嘉慶十九年正月初四日奉

上諭上年逆匪突入禁門時恍惚之中望見

關帝神像畏懼奔竄立就殲擒本日又據那彥成奏

滑城克復之時賊匪於黑夜拚命突圍官兵施放鎗箭
未能真切忽城旁廟宇自行起火照同白晝官兵兩路
夾擊始將賊匪截回悉數殄除定後乃知城旁廟宇供
有

關帝神像廟雖焚燬

神像歸然獨存毫無損動等語此次逆匪滋事屢荷
關帝靈爽翊衛實深寅感著該衙門於原定封號敬擬
加封二字進呈候朕酌定通頒直省用答

神庥其滑縣廟宇俟重修落成之日該撫再行奏請御
書匾額敬謹懸掛

嘉慶十九年正月初五日

奏爲查明地方靖謐情形恭摺具奏仰慰

聖懷事竊官兵克復滑縣以來

臣凜遵

睿訓搜捕彈壓及籌議善後章程惟有事謹慎辦理不

敢稍涉草率查滑縣隨營義勇數千名

臣先已飭

令知縣孟祀瞻遣散歸農並派委員查繳器械二

萬餘件滑縣已收繳九千餘件

臣量加賞賜各義

民俱各歡忻鼓舞回莊度歲共慶綏豐其各營官

兵疊蒙

恩賞咸知感激

臣

嚴爲約束亦甚安靜無事至滑縣道口

地方居民俱已復業修理牆屋百堵皆興雞犬桑
麻依然太平景象卽滑縣城中歸來者二百數十
家歲除之日臣又親身撫視賞給銀米現在歸業
者先後接踵無不感頌

皇仁

臣

並派委員弁分赴直隸山東各屬查探情形俱皆
一律安帖邇來大河南北多有稟報得雪者並接
方受疇同興等來信地方皆已救安是皆我

皇上感召祥和普施

恩澤屆茲歲華復旦萬象昭融天下臣民咸受

昇平之福謹

奏奉

硃批覽奏稍慰迴程之便細加察訪從逆者斷不可恕習教爲首應亦拏訊卽行絞決脅從勿問准其自新勉力辦理切勿姑息

嘉慶十九年正月初五日

奏爲各路官兵現擬分別凱撤留駐恭摺具奏事竊照

軍務告竣地方業已安帖

臣屢奉

諭旨留心察看現在實可放心查隨營之豫省官兵其在

河以南者共計三千八百名

臣

於年前先已陸續

撤回緣河南南汝一帶地方緊要時當歲暮各營

汛必須重兵彈壓鎮定人心兼可節省糜費其河北鎮及彰德衛輝各營兵一千六百餘名內彰德衛輝兵五百名擬於初六日令各歸伍其餘一百名仍留總兵閻俊烈帶領駐劄滑縣俟三月初間再撤歸伍又直隸提標兵一千名提督馬瑜管帶駐劄開州正定鎮兵一千名總兵徐錕管帶在於東明長垣一帶往來巡哨宣化鎮兵一千名仍令富蘭管帶在彰德順德一帶彈壓暫行駐劄
俟臣

陛見後再行酌量情形飭令歸伍其原駐東明長垣之正

定兵一千名原駐順德廣平之提屬兵六百名原駐大名之宣化兵五百名俱令分起撤回又甘肅督標及靜寧靖遠兵二千名亦令先後凱撤於初四日起至初十日止分作四起由衛輝府間一日行走吉林黑龍江官兵除調往陝西六百名外尙存營一千四百名查在營之

御前侍衛

乾清門侍衛亦應撤回京臣現將吉林黑龍江官兵於初四日起先撤八百名分起行走初四日第一起黑龍江兵二百名令副都統蘇清阿頭等侍衛哈

郎阿額勒精額等管帶初六日第二起黑龍江兵
二百名令頭等侍衛阿勒罕保護軍叅領富英阿
委營總達什等管帶初八日第三起吉林兵二百
名令頭等侍衛伊勒通阿札蘭保營總和福等管
帶初十日第四起吉林兵二百名令

御前侍衛副都統銜蘇爾慎侍衛吉勒章阿委營總巴楊
阿等管帶由保定西路行走以上各路官兵均各
分起凱撤至富蘭現尙駐兵彰德順德一帶請令
其將來與馬瑜一同凱撤回京臣俟初十日後帶
領直隸督標兵一千名宣化兵一千名吉林黑龍

江兵六百名自滑縣起程赴開州一帶查辦善後事宜事後卽由山東曹州府德州景州保定之東路一帶行走庶前後不致擁擠一切車馬均可無虞遲悞再此次出征官兵仰仗

皇上洪福行軍均極吉祥順利查健銳營帶傷官二員帶傷兵十名事故兵一名火器營出缺兵四名帶傷兵十二名事故兵一名護軍營出缺官一員吉林出缺官一員出缺兵三名帶傷官一員帶傷兵七十五名黑龍江出缺兵六名帶傷兵四十三名西安滿營出缺兵二名帶傷官三員帶傷兵八十八

名事故兵一名各綠營出缺官十六員出缺兵一百四十四名帶傷官兵一千五百餘員名事故兵二十五名彙冊咨部謹

奏奉

硃批知道了

嘉慶十九年正月初五日

奏爲軍務業已告竣溫承惠現無可辦之事

臣

已囑令

回京恭候

諭旨謹

奏奉

硃批覽

嘉慶十九年正月初十日

奏爲奏

聞事竊

臣將各路官兵分起凱撤緣由於初五日具奏在

案

臣本擬隨帶直隸督標兵一千名宣化鎮標兵

一千名吉林黑龍江兵六百名沿途巡查彈壓惟

查開州東明曹州德州景州一帶現俱有兵留駐

足壯聲威

臣

若復隨帶多兵一起行走未免擁擠

且滋糜費是以

臣

酌擬於抵開州後即將前項直

隸官兵分起撤回歸伍止帶吉林黑龍江兵六百

名一路巡查宣播

皇上德威於曾經被賊之村莊加意撫卹並曉諭紳耆如村中有形跡可疑搜捕未盡者立即緝獻但不許挾仇誣害致累良民其有未繳器械務令悉數交官不使藏匿並一路察看留駐官兵嚴加整飭總期邊境一律肅清仰副

聖主除莠安良至意至吉林索倫官兵自滑縣起程已

飭令豫省糧臺支給一箇月鹽菜口糧裹帶行走由豫省一併彙入造報以直隸山東省分欵開銷

正所過州縣仍舊創營空曠地方不入城內居住

約束兵丁公平市買薪蔬等物嚴禁州縣供應亦
不准迎送差使以除陋習再豫省賊匪實已殲捕
淨盡此_臣所可深信其平時習教而並非從逆者
原奉

恩旨免予重究此時震懾兵威俱已聞風懾息惟濡染已
久革面未盡革心全在地方官欽遵

諭旨實力勸導庶幾默化潛移此非可期之旦夕之事刻
下賊匪盡絕惟饑民實關緊要况河北被賊之區
多係連年荒旱之地仰荷

聖恩蠲緩兼施業已歡騰節屋惟積歉之餘饑民不少如

能於賑濟之外多爲設厰施粥較之給放銀米益
可安速而收實效臣現已督令藩司台斐音衛輝
府知府郎錦祺及滑濟兩縣均已分設粥厰實力
妥辦並移咨方受疇督率舉行伊等俱係身受

重恩地方要緊事件亦斷不敢少有顛預其沿途文武紳
耆義民人等守城團勇是否實在出力另容確查
辦理臣拜摺後卽於十一日移營前進謹

奏

嘉慶十九年正月十三日

奏爲巡歷開州等處將應辦善後事宜恭摺奏

聞事竊

臣

駐兵消縣業將該處應辦善後會同托津詳細

奏蒙

聖鑒後於本月十一日帶領吉林黑龍江官兵六百名行抵開州接見藩司素納及署大名道屠之中等面詢地方情形籌畫善後應辦事宜所有開州東明長垣被賊滋擾村莊前奉

諭旨賞給兩月口糧業經該藩司等派員按戶查明照例分別大口小口散放撫卹臣體察民情俱極安貼惟該州縣地方習俗强悍又復三省犬牙相錯匪徒易致潛藏現當凱撤官兵之際必須嚴密巡防

以期閭閻安堵謹將應辦事宜酌擬數條開呈

御覽

一編查保甲以別邪正而靖地方也查保甲一法前經葉紹楨將伊父葉佩蓀在河東道任內所行保甲條款具奏奉

旨飭令各直省一體照辦現在京城內外各州縣均欽奉諭旨次第編查而大名府屬各州縣與豫東兩省地界毗連頑民慣習邪教易致藏奸清查保甲更爲緊要現卽飭派候補道府葉紹本會同署道屠之申督率委員分往各該州縣會同地方官逐村

逐戶實力清查刊刻簿籍登記戶名設立門牌
懸掛村落十戶立爲一牌十牌立爲一甲互相
保結責成地方官按月點驗道府按季委員抽
查如有習教之戶及藏匿外來匪犯立即首報
嚴拏究辦容隱者照例治罪如州縣道府奉行
不實日久廢弛分別叅處以期綏靖地方而安
良善

一開州一帶塘汛亟宜修葺添設以資緝捕也查
開州東明長垣及北路之清豐南樂直隸大名
郡城沿途向有塘汛派兵分駐以接聲援而資

緝捕前經奉

旨令各直省整飭營汛現今賊匪甫就蕩平該五州縣沿途塘汛更關緊要應卽飭令該地方官將各塘汛舊有營房墩臺坍塌朽壞之處趕緊確估修葺並於相離較遠之地酌量添設數處並交提督馬瑜由營選派精壯兵丁每塘各五名常川駐守晝夜巡防盤詰以收緝匪安民實效

一開東長交界處所應暫設堆卡以資防守也查開州東明長垣以及南樂清豐西南一帶界連河南之滑縣濬縣儀封內黃封邱等縣東南一

帶界連山東之觀城朝城荷澤等縣現當軍務甫竣交界處所稽查稍不嚴緊匪徒易致藏匿應請暫行設立堆卡派撥千把等弁帶兵分駐巡防一俟麥秋豐稔民情大定之後卽行撤退其應於何處安設堆卡均俟正定提督議准再行酌派弁兵逐一履勘趕緊安設以資巡守

一逆產絕產應確實查明以歸公用也此次官兵勒滅賊匪所有逆犯田房及被難絕戶遺產欽奉

諭旨飭將前項產業確實查明以爲安插無業難民之用

等因欽此查開州東明兩州縣界內原止間有
賊匪逆產絕產均屬無幾現在派員前赴長垣
縣屬趕緊詳細查勘尙未得有確數伏思此項
產業散見各村爲數本不甚多若作爲安插無
業難民之用人多地少不能遍及且慮派撥難
勻轉滋爭競臣愚昧之見請俟逐細查明之後
先行召佃耕種將來設立正定提標卽將所收
每年租息除完納正供外作爲該營辦公之用
庶新設之營公費得以充裕而逆產租息亦歸
核實

一前經

臣

會同托津具奏善後事宜至今尚未奉

到部覆內惟正定改設提督大名改鎮一條倘

蒙

允准卽請將馬瑜調爲正定提督查該提督人旣明白辦事穩練且此次始終軍務情形亦極熟悉以之調辦是否有當伏乞

皇上訓示遵行謹

奏奉

硃批大學士等併議具奏

嘉慶十九年正月十三日

奏爲善後添設官兵請

旨勅部籌撥糧餉經費以期趕辦事竊

臣

前與托津會商

善後事宜因正定地方距京較遠西界山西南界
大名順德廣平毘連河北最爲扼要之地請將正
定鎮總兵改爲提督並將該鎮移駐大名增設營
分其開州東明長垣及河南滑縣濬縣等州縣界
在三省各移駐叅將遊擊都司守備等官添設兵
丁以資彈壓並聲明將應添官兵於別營內裁減
抽撥容俟移查各省兵丁數目再行籌酌辦理等

情奏蒙

聖鑒在案茲查據各省移覆河南撫標及鎮協各營共兵
一萬三千八百八十餘名山東撫標及鎮協各營
共兵一萬四千五百餘名直隸督提二標及鎮協
各營共兵三萬八千三百八十餘名各營設兵數
本不爲多分汛守卡派撥差使既多且以後如遇
踴路經由之處亦須少爲添調護衛則差不能操操不能
差勢難兼顧偶有事故不但技藝生疎抑且不敷
調用現在臣周歷三省邊界揆度地勢情形正定
大名附近京師係屬

邦畿重地豫東兩省緊要接壤更爲畿南門戶必須

重兵鎮守始足以壯軍威而資屏翰伏思直隸督提二標及鎮協兵丁俱地連邊塞環衛京城未敢輕議裁減豫東兩省以前屢經裁撥現在增兵增餉雖云經費攸關但

畿輔重地關係緊要於應用之正項經費似亦不可靳惜惟有仰懇

皇上於額兵之外增添兵數查正定大名一帶習俗强悍厯滋事端現擬於該二處安設提鎮營分應請添兵六千名以資鎮守並可分防開州東明長垣等處其豫東兩省兵衛太單亦請各添兵三千名於

緊要處所酌量安營分駐兵數既多派撥差使之
外均可認真操演軍威大壯拱衛益資整肅統計
一萬二千名每歲約需餉銀二十五萬九千餘兩
米四萬三千餘石如蒙

俞允請

旨勅下部

臣

預爲籌撥欵項俾得趕緊辦理其於何處應

添兵丁若干統俟議准後

臣

會同兩省撫

臣妥商

安置再行具奏所有添兵之處是否有當伏乞

皇上訓示遵行謹

奏奉

硃批大學士軍機大臣會同該部議奏

容安謹按經大學士軍機大臣會同該部議駁
添設正定提督准添設大名鎮總兵一員官兵
數目增減有差

嘉慶十九年正月十六日

奏爲酌挑吉林索倫勁兵擬請留京以備差使恭摺具
奏事竊臣前與托津會奏善後事宜摺內請撥吉
林索倫官兵二千名輪班駐京一欸奉

硃批此一節固爲扼要之舉但有許多格礙難行之處斷
不能辦竟毋庸議欽此仰見

睿畫周詳曷勝欽佩惟查奉調赴營之吉林索倫勁旅屢次打仗殺賊實屬奮勇出力此項官兵臣留心察看若在平地接仗真可所向無敵內鎗箭精熟尤爲驍勇者節經臣保奏俱蒙

聖恩加以超擢者二百餘員名今除調往陝西軍營外查自初四日起至初十日止所有蘇清阿阿勒罕保伊勒通阿蘇爾慎等四起帶回之官兵內臣擇其漢仗出色技藝精純者得有一百三十六員名現在凱撤應回原處此項官兵請就近留於京城飭令軍機大臣傳齊帶領引

見挑在

乾清門大門上充當差使該官兵等已荷

恩擢自必倍加感奮可資得力而人數不多於俸餉一切
亦可不致糜費

臣

愚昧之見是否可行應候

聖訓飭遵謹開具清字員名清單恭呈

御覽謹

奏

嘉慶十九年正月十九日軍機大臣字寄奉

上諭那彥成奏酌挑吉林黑龍江官兵留京當差一摺所
奏甚屬非是吉林黑龍江官兵鎗箭精熟朕所素知但

留京當差格礙甚多那彥成全未計及該官兵各有家
室此次奉派出兵原不過暫時行役今戰勝凱旋不令
其速歸鄉土又復截留駐京是何情理况伊等原處各
有產業一旦令其委而去之獨處京師既無房屋可居
又無親戚可靠甚至邱墓亦皆不能隨時祭掃種種未
便豈可不念及乎卽如副都統阿那保現在御前侍衛
上行走係該處大員其子博多歡又在乾清門侍衛上
行走久住京城而現在阿那保之子特立善過京尙且
不願留住是其的証其寒苦兵丁又奚能強以所難况
現在頭起二起官兵皆已過京此時若如那彥成所奏

紛紛追回尤屬不成事體現已照每年學園官兵之例
詢其情願留京者方令留京經派出王大臣等於犒賞
時逐加詢問頭起內願留者已有九人二起內又有十
四人此後第三起第四起均照此辦理其那彥成奏請
將軍開一百三十餘人統行引見派差之處斷不准行
嘉慶十九年正月十六日

奏爲奏

聞事竊

臣

會同托津具奏善後事宜各欸內請將現在軍

營之陝甘得力將備酌挑十數員與直隸營員互

調一條欽奉

硃批甚是奏到時再降諭旨欽此臣應卽開具員名清單

恭呈

御覽緣特依順保馬元與楊遇春先後前赴陝西所有陝
甘得力將備臣先已派撥數十員隨同前往茲將
在營將備擇其平素操練精勤打仗奮勇最爲出
力可靠者開列七員另單恭呈

聖鑒此項營員現在隨同臣尙須周歷開州曹州德州景
州一帶巡查彈壓俟臣行抵保定仍請暫留差遣
俟陝西事定後另再合陝甘將備中得力之員察
看直隸營員分別更調以期整飭營伍至各員到

保定後所有本員名下得項應請於直省酌量關
支一面移明陝甘督臣查照其干把外委中有臣
平素親自訓練勇健得力及學習長矛極爲精熟
者數十員名亦請暫留直隸一半年教習各營熟
練後另再飭令回伍並咨明兵部謹

奏奉

硃批兵部知道

謹將陝甘將備請留直隸調補各員開具清單恭
呈

御覽

陝甘督標中軍副將張大振

甘肅提屬大馬營遊擊馬光宇

甘肅肅州鎮屬靖遠營遊擊熊敏謙

陝西河州鎮屬西固營都司俞振海

甘肅寧夏鎮屬花馬營守備蕭福楨

甘肅涼州鎮土門堡守備高傑

陝西提標石峯堡守備張作功

嘉慶十九年正月十三日

奏爲軍需用欸籲懇攤廉報効仰祈

恩准事竊照

臣

前在滑縣接據直隸藩司素納詳稱此次

賊匪滋事擾及三省邊界州縣仰蒙

皇上調派官兵分投剿捕尅日蕝事地方全就肅清所有
直省地方官員平素漫無覺察因循貽悞實屬咎
無可辭乃蒙

聖恩

格外矜全未加嚴譴合省官員人等具有天良何敢復擁
厚祿不思報効稍贖前愆查軍興之始荷蒙

賞撥漕糧部欸支應軍需因省南州縣連歲歉收食物昂
貴一切兵行車馬及軍需物料俱照時價僱辦未
敢稍資民力隨時督飭承辦之員核實經理撙節

又用現據各州縣及隨營糧臺陸續開報共用銀七十餘萬兩此後尚有凱撤官兵暨留防善後事宜並各州縣應行裁領之數連前約計將及九十萬兩除蒙

皇上賞撥漕糧作爲兵糈外所有動用銀兩自應照擒捕內地賊匪之例本省自行備辦應請在於現任大小官員應得養廉內分作十五年按照缺分大小廉俸多寡均勻攤捐歸款其失察各員內如有陞調別省除本缺不准停扣外仍在該員名下照數咨明扣解庶用項早歸正款而臣下不日疎慢愆

尤亦藉得稍贖於萬一等情具詳請

奏前來

臣

查直省此次失察邪教非尋常疎忽可比仰

蒙

恩宥愆尤該員等愧悚難安不敢輕糜

國帑抒誠籲請似可卽照擒捕內地賊匪本省自行辦

理之例仰懇

聖恩准其捐廉報効俾贖前愆如蒙

俞允再行飭令該藩司將用項總數核算清楚秉公分別
均攤以期公允謹

奏奉

硃批所奏甚是另有旨

嘉慶十九年正月十六日奉

上諭據那彥成奏直隸軍需用欸約計將及九十萬兩請
照擒捕內地賊匪本省自行辦理之例於現任大小官
員養廉內分作十五年均勻攤扣歸欸等語此次教匪
謀逆由林清倡首該逆復匿郊畿借傳教爲名肆行勾
結以致釀成叛案延及豫東二省勞師糜餉該管官
無覺察形同木偶玩愒因循莫此爲甚應照那彥成所
奏罰賠示懲惟州縣等官職分較小廉俸無多林清及
逆黨犯事地方又不皆在所轄境內無庸一律攤扣至

那彥成錢臻調任皆在事後攤捐亦未平允此事著交那彥成督率錢臻查明自嘉慶十一年起至十八年止各厯任總督順天府尹藩臬兩司及該管道員等按其在任年月秉公核算分別攤賠以清款項

嘉慶十九年正月二十六日奉

上諭本日那彥成來京覆命並陳自滑縣凱撤經過直隸山東沿途地方民情極爲寧謐上年河南滑濬等處逆匪滋事特命那彥成由陝甘馳赴豫省授以欽差大臣關防總統師干經朕疊加訓飭那彥成感奮自効連奏克克渠授首逆黨悉除辦理迅速完善那彥成克副

委
堪嘉獎伊係阿桂之孫亦由平日習聞祖訓勉
紹家聲故能宣力効猷懋膺爵賞茲追念舊勲著於本
月二十九日在阿桂墓次賜祭一壇著禧恩前往奠酒
用示朕眷舊酬庸恩意

那文毅公總統河南山東直隸軍務奏議卷三十五